

# Gabú Hpo Lù Dang



Yesuq é Hkyô Mhò-myi Shindâm

Laiká bùk - 2




Dang-u : Yesuq é hkyô mhô-myi shindâm pé  
Hpuq ká sù : Chúblùt Nóng Làt  
: Chúblùt Ban Htáng  
Myíng : Zaiwâ  
Sâi htoq é bui-nyì : October 2003  
Dum sâi htoq é bui-nyì : August ,2019

Tittle : Good News, Stories of Jesus, Book 2  
Translators : Chumlut Nong Lat  
: Chumlut Ban Htang  
Language : Zaiwâ  
First Edittion : October 2003  
Second Edittion : August ,2019

## Laiká Bùk Shî-Má Bo É Dang-U Pé

Myiwe rayùq, Yesuq lé, namngón jung xû hut gyun byî é hkyô Mahteq 26:6-13	1
Byù rayùq kyû dúng é mhô-myi Lukaq 18:9-14	4
Yesuq, byùhpûng mó lé, byi tsô é hkyô Mahteq 15:32-39	6
Ahkyàk dik é tarâ Mahteq 22:34-40	9
Náng é gyè pé lé chyt dàp àq Mahteq 5:43-48	11
Yesuq, sânghi ji yu é chángzô pé Lukaq 5:1-11	13
Shibyùq bê sù rayùq lé, Yesuq dum lhoq dui yu é hkyô Lukaq 7:11-17	16

# Myiwe Rayùq, Yesuq Lé, Namngón Jung Xû Hut Gyun Byî É Hkyô



Ra-nyí lé, Yesuq eq yhâng é chángzô pé gi, Behtani gâ é wà rawà má nyi tô akô. Yhángmòq gi, mánggâm a-na radàm dáp wú é Simun ga sù é yhûm má, wàng bekô nghut ri. Yhángmòq zang zô nyi bùm kô é hkûn, myiwe myhí rayùq gi, Yesuq chyáng jé lé lo ri.




Haû myiwe myhí gi, alabasta gâ é lugòk htung mai, saî htoq yu é bông zo ralhum lé, chung tô ri. Bông zo haû má gi, hpaû é namngón jung xû byíng shoq bo tô ri. Yhang gi, haû namngón jung xû lé, Yesuq é ulhum htoq má hut gyun byî ri. Yesuq é chángzô pé gi, yhang haû su kut é lé, myang kat kôjáng, myiwe myhí haú yùq lé, wú nhik-yô bum akô. Haû mù, yhángmòq gi, myiwe myhí haú yùq lé, “Nàng haî mû luî, namngón jung xû bànshoq lé, aha agó kut pyâm lhê lhú? Haû lé, ngùn myo myo mai ûng yù luî, myung é bang lé, gàm byî le ge lhê.” ga luî, chôm taî akô.




Yesuq gi, yhang é chángzô pé taî nyi kô é dang lé, wó gyô kat mô, yhangmòq lé, dum taî kyô é gi, “Myùng bang gi, núngmòq eq rahá rû- nyi nyi kô râ nghut lhê. Ngò kúm gi, núngmòq eq rahá hkâ-nhám le zum nyi râ sù a nghut. Haû mù luî, núngmòq gi, myiwe myhí shí yùq kut é hkyô lé, haí le hkâchâng nghû kó. Yhang gi, ngá ahtoq má ge é hkyô kut bê nghut ri. Yhang ngá ahtoq má, namngón jung xû hut gyun byî é gi, ngolé myhup pyám râ matú, hen lajâng é hkyô nghut bê. Haî mô luî, ngá é hkyô gabú hpoo lùdang lé, taî hko wún é jowò hkang mó má, byu pé gi, ngá ahtoq má, myiwe myhí shí yùq kut wú bê hkyô lé, taî kyô nyi bùm râ nghut é yánmai, yhang lé, myìt bûn nyi bùm kôrà nghut lhê.” gâ ri.

## Byù Rayùq Kyûdûng É Hkyô



Ra-nyí lé, Yesuq gi, yhûmsing gùng lé, góbang bàn shoq htoq má, ge lhê ga nghut bûn nyi é bang ra-am lé, mhô-myi ralhum taí kyô ri. Haû gi, Hparashé rayùq eq kang gùq zo sù rayùq é hkyô nghut ri. Hparishê pé gi, Garaí é tarâ bànshoq lé, wó cháng bang nghut é yánmai, byù gè pé chyat ngut é dông lum pyâm akô. Nghut kôlhang, kang gùq zo bang lé kúm gi, Garaí é tarâ pé lé, a cháng kut kô é yánmai, a ge é byu pé chyat nghut akô, ga Hparishê pé mai, myít yu pyám byí akô nghut ri. Yesuq taí é gi, byù rayùq noqkuq yhûm má, kyû dung râ ga e akô. Rayùq gi, Hparishê hpó nghut ri, rayùq kúm gi, kang guq zo sù nghut ri. Hparishê hpó yhang baú za yàp to luí, kyû dung é gi, Garai ê ngò gi, myòqnòq myít bò sù a nghut, dum, a tengmán sù le a nghut, su myi lé le a






10

shut wú é yánmai, nang lé jeju hkyá-ôn lhê ô! Byù gó bang gi, haú su dùt kôlhang, ngò gi, haú su a nghut. Ngò gi, haú kang guq zo sù su le a nghut é yánmai, nang lé jeju hkyá-ôn nyi lhê ô! Ngò gi, nang lé nòqkuq râ matú, rabàt má radàm zoshuq gám lhê. Hau htoq agó, ngò wó má wó mâ é raxê tú ratú le, nang lé byî nyi sù nghut lhê” gâ ri. Nghut kôlhang, kang guq zo sù gi, nùnghtáng má yàp to luî, mauhkûng shut lháng a wám tu wú dùt nyi ri.

Yhang nùngngam wó é hkyô lé, tân shit râ matú, yhâng é wànggang bàt mô luî, kyû dúng é gi, Garai ê ! Ngò gi, yubàk wó sù nghut nyi lhê. Ngolé shogyô yù laq ô!” gâ ri. Yesuq dum xoq taî é gi, “Ngò nùngmòq lé taî kyo kôlé, Haú kang guq zo sù zashèq, Garai ô nau é dông kut bê nghut mô, yhûm shut dum taû ló é hkûn, Garaî eq bui-nùm du byùq bê nghut ri.” gâ ri.

# Yesuq, Byù Myihkyîng Lé, Byi Tsô É Hkyô



Ra-nyí lé, Yesuq gi, yhâng é chángzô pé eeq rahá, bùm yàm má nyi tô ri. Haú hkûn, byù rajùm rayo gi, yhângcháng jé lé lo bùm akô, haû mù, yhang gi, yhángmòq mâ é nòhpyo hui bang lé, lhoq gê byî ri. Yhâng é chángzô pé lé ji yù luî, taî é gi, shî-má jé lé bum é byù lhúnglháng bang lé, ngò wú shogyô ri. Yhángmòq ngò eq rahá nyi nyi é sumnyí nghut bê mû, ahkuî yhángmòq chyáng, zozung haî le a wó lo kó nghut ri.



Yhángmòq lé, rajung jung a byi tsô é gi, ngò a kâm nhang kat. Yhángmòq haî le a zô é ló le gi, hkyô lat má wum gyai nyhôm byùq kôra nghut lhê” gâ ri. Yhâng é chángzô pé gi, yhang lé, haî lháng a yùq é seimuî jàng má, shî-myhô é byùjùm lé, byi tso byi huq râ zoshuq gi, ngá-mòq hkâ-mâ é myang ho yù râ lhú?” ga myi kô jáng yhang gi, nhúngmòq cháng zoshuq hkâ-myhó wó akô lhú?” ga dum taû myî kat ri.

Yhángmòq gi, mùklong nyhithkyîng eq ngozo ra-tsuí zo za wó lhê” ga tû taî kat akô nghut ri. Haû mù, Yesuq gi, byù hpûng mó lé, myî htoq má zung to nhang ri. Hau htâng yhang gi, mùk hkyí eq ngozo lé chûng mù, Garai lé jeju hkya-on luî, zojung haú pé lé, ajàp jàp kut myhik hpé luî, yhâng é cháng zô pé lé, byî kat jáng, shiwa byù pé lé, dum gàm byî akô. Yùqdu jùp gi, gyi gyi myàng zô yù bekô nghut ri.



Hau htâng, zô myhit tô é ajàp ahtâng pé lé, cháng zô pé mai, gùq tsîng yù kô le, manghkoq nyhit lhum byíng shoq wó gùq tsîng akô nghut ri. Zô é bang bàn shoq gi, yugè wuì chyat myihkyîng nghut ri, a nghap lhôm é myiwe wuì eq zoshâng wuì lháng bolom ashî nghut ri. Hau htâng má, Yesuq gi, shawa byù pé lé, ó le ô é yhûm shut taû ló nhâng bekô nghut ri.

# Ahkyàk Dik Htûm É Tarâ



Ra-nyí lé, Hparishê pé gâ é Yudaq sùwún wuî ra-am gi, Yesuq dang táí nghoq sháng gàq ga luî, hpàqchyî chôm da ra hen nyi akô. Haúbang mâ é, Móshèq é tarâ pé lé, Mhoq sê yu to bê sù rayùq gi, Yesuq lé, Sará ê ! tarâ laiká bùk pé má, je ahkyàk dik é tará gi, hkálhum wá nghut lhê lhú? ga, myî kat ri. Haú hkûn, Yesuq tû táí kat é gi, je ahkyàk dik htûm é tarâ gi, “Náng é Garai haú Yhûm- sîng lé, náng é myît nhiklhum bànshoq èq le,



náng é asàk woi-nyí bànshoq èq le, nàng myìt wú é hkyô bànshoq èq le, chyitdàp râ lhê.” gâ é nghut lhê. Ahkyàk dik htûm é htâng mâ é tarâ ralhum gi, hí mâ é lhum eq pung lhê. Haû gi, “Yhûmsing gùng lé chyitdàp é su, góbang lé le, chyitdàp râ lhê” gâ é nghut lhê. Garai Gasâng é gùnglik dông dang nyo laîlò bê Mósheq é tarâ bànshoq eq, myìqhtoî pé mhoqshit é dang pê é lichyúm kyîng gi, tarâ haú lhum má, bò gû nghut lhê” ga, tû tâi kat ri.

## Náng É Gyè Pé Lé Chyit Dàp Àq.




Ra-nyí lé, Yesuq shiwa byù pé lé mhoqshit é hkûn, Yhang taî é gi, “Mósheq é tarâ lé, mhoqshit é Sará pé ra-am, núngmòq lé taî kyô wú kô é má, “Náng é luzúm wuî lé, chyitdàp àq; gyè pé lé kúm gi, hkâchyit dáp kó” gâ é nghut lhê. Nghut kôhang, Ngò núngmòq lé taí kôlé, “Náng é gyè pé lé, chyitdàp àq; nàng lé a ge é kut su matú, kyû dung byi aq.” gâ ri. Haú su kut jáng, núngmòq gi, mauhkûng mâ é îwa Garai su dùt lò râ nghut lhê. Yhang gi, gè bang é matú le, a gè bâng é matú le, buì tsô byi mù, mau le wo hkyó byî nyi é nghut lhê.



Núngmòq lé chyitdàp bang lé za, chyitdàp é nghut le gi, Garai gi, hkádông mai n[[ungmòq lé chyûnghuq wó byi râ lhú? Núngmòq dông a gè bang ga chyo pyâm é, kang guq bang lháng gi, haú su kut bum akô nghut ri. Dum, núngmòq é luzúm wuì lé za, núngmòq dang kâm nyò kô é nghut le gi, haì shaì râ lhú? Garai lé a sê é tûngbaû pé lháng, haû su kut bum akô nghut ri. Mauhkûng htoq má é îwa Garai gi, yùqdu jùp lé chyitdàp é su, núngmòq lé, chyitdàp râ dùt lhê” gâ ri.



## Yesuq Sânghi Ji Yu É Chángzô Pé



23

Ra-nyí lé, Yesuq gi, Galilé wuì-nhông htoq má, yàp tô é hkûn, byù myo myo gi, yhang hko kyô é Garaî é dang lé, gyô yù kôra ga, yhang eq wó htèp shoq chyinchyap wang e ló bum akô nghut ri. Hau htâng, Yesuq gi, haú jowò má, jòq tô é wuìlhaî ralhum má, wang jî ri. Wuìlhaî haû gi, Sí-mûn é lhum nghut ri. Haû mù, lhaî haú lé, wuìyàm mai ra-tsuí zo chyûn huî kat râ matú, Sí-mun lé taî ri.



Hau htâng yhang gi, lhaî hkaû má zung to luî, shiwa byù pé lé mhoq shit nyi ri. Shiwa byu pé lé mhoq shit é hkyô bàn jáng, yhang Símun lé taî kat é gi, “Lhaî lé wuì je nìk é shut lhu ê mô, nàng eq náng é luzúm wuî, ngozo wó myang chyup yû râ matú, núngmòq é gùn lé dú hkyô kat keq” gâ ri. Haú hkûn, Símun tû taî kat é gi, “Yhûmsîng ê, ngá-mòq a-màn ra-myin mau yhang, ngozo wó myang chyup yû râ matú, gyai kông shikut wú bê, nghut kôlhang, ngozo radu lháng a wó myang chyup yû nghut ri. Nghut kôlhang, nàng haú su ga jáng gi, ngá-mòq gùn dum dú hkyô kat wú râ nghut lhê” gâ ri. Yháang-mòq, gùn lé dú hkyô kat kô é hkûn, ngozo gamyhó yhang wó sú ngop yû kô é yán mai, gùn haû lháng jèq ló râ su dùt bê nghut ri. Haû mù, yháangmòq gi, yháangmòq é luzúm wuî lé le garúm yù râ matú, wùt kat akô nghut ri.



Haû mù luî, yhángmòq é luzúm wuî gi, gótû lhaî ralhum mai jé lé lò kôluî, yhángmòq é lhaî haú lhum má, ngozo byíng shoq kat bekô nghut ri. Lhaî haú lhum gi, ngozo lûm byíng luî, myùp ló râ su lháng dùt bê nghut ri. Símun Pétaruq gi, dùt ló é hkyô lé myang kat jáng, Yesuq é hí má hkyî hput htuq mù, “Yhûmsîng Ye suq ê! Ngò gi, yubàk dàp sù nghut lhê. Ngá chyáng mai ló byùq àq” ga luî, yhang lé taî ri. Yhang haúsu ga taî é gi, yhang eq yhâng é luzúm wuî, ngozo lûm myo wó chyup yu é yánmai, maú hong byùq bùm kôluî, nghut ri. Haú hkûn, Yesuq gi, simun lé, hkâgyùq! Shîsu dùt é hkyô gi, nàng ahkuî mai, byù pé lé châng kóng luî, ngá é chángzô pé dùt nhâng râ kúm lhá nghut lhê” ga luî, taî kat ri. Hau htâng, Simn eq yhâng é luzúm wuî gi, yhángmòq é lhaî pé lé wuì yàm shut lhu taû ló kô-mû, ngozo kóngzô é mú ji lé tô pyâm to kôluî, Yesuq é htâng má cháng bekô nghut ri


# Shibyùq Bê Sû Rayùq Lé, Yesuq Dum Lhoq Dui Yu É Hkyô




28

Radàm lé, Yesuq gi, Na-in gâ é wà rawà shut e ló ri. Haú hkûn Yhâng é chángzô pé eq gótû byù rajùm le Yhang eq rahá za nghut akô. Yesuq gi, wà hkúmdong má jé wang ló é hkûn, shî bê sû rayùq lé wàq dang htoq lé lo é bang eq huî ri. Haúbang gi, haú yùq lé ê myhup pyám râ bang nghut akô.

Shibyùq sù gi, chui-mó myhí rayùq é yhangzo zote nghut ri. Byù myo myo le, chui-mó myhí eq rahá nghut bum akô. Yesuq gi, chui-mó myhí lé byu myang kat jáng, yhang lé gyai wú shogyo luî, “Hkâ-ngaû lo!” ga yhang lé taî kat ri.



Hau htâng, Yhang gi, sô e ló luî, Shî bê sù lheq tô é yhuphpú htoq má, Yhâng é lòq ê kê kat jáng, wàqdang tô é bang le yàp nô to byi kôluî, shibyùq bê su lé, “Yugè zo ê! toq zûng àq” gat taî kat ri.



Haú hkûn jáng shibyùq bê sù gi, dum dui lò luî, toq zung to mô, dang nyo huî kat bê nghut ri. Hau htâng Yesuq gi, haú yùq lé yhângnû é lòq má, dum àp byi bê nghut ri. Lhúng lhâng bang gi, gyai gyùq kyum byùq mù, taí kô é dang gi, “Hkik é byù rayùq Garaî chyáng mai jé lé bê nghut ri-nhung! Garai gi, Yhâng é byu pé lé, garúm râ ga jé lé be-nhung o!” gâ akô. Yesuq kut shit bê hkyô é lùdang gi, haú ming ra-ming gón eq awui ayàm mâ é ming pé hká mâle, byojam myín ló bê nghut ri.



